

摛藻堂四庫全書薈要

集部

欽定四庫全書叢要

集部

劍南詩彙卷十三

詳校官助教臣謝登雋



欽定四庫全書 蓆要卷一萬五千五百三

集部

劎南詩橐卷十三

宋 陸游 撰

宿黃僊觀兵火焚蕩之餘惟一殿突兀猶在黃僊
蓋與許旌陽同時飛昇者

拔宅翛然上碧虛神僊豈亦愛吾廬重門不改雲山色
古殿猶存劫火餘翠木蕭森高蔽日黃冠貧窶自畦蔬
殘年安得長來此一枕松肪讀隱書

王隆得丹芝

何用金丹九轉成手持芝艸已身輕祥雲平地擁笙鶴
便自西山朝玉京

贈西山老人

生世不把筆殘年惟灌園貲春來竝舍賣畫到前村勤
苦供租稅清貧遺子孫從來棲遁志剝欲與翁言

病酒宿土坊驛

少時見酒喜欲舞老大畏酒如畏虎一日飲酒三日病

客路那堪夜聞雨。雨聲蕭蕭宿空堂。
不寐始知更漏長。賣藥思從伯。
休隱愛花却笑拾遺狂。

十一月上七日蔬飯驛嶺小店

新杭炊飯白勝玉。枯松作薪香出屋。
冰蔬雪菌競登槃。瓦鉢氈巾俱不俗。
曉途微雨壓征塵。午店清泉帶脩竹。
建溪小春初出碾。一碗細乳浮銀粟。
老來畏酒厭芻豢。却喜今朝食無肉。
尚嫌車馬苦糜人。會入青雲騎白鹿。

進賢驛感懷

明日當歸

至臨川

環走幾千里馳歸亦再旬征途饒感慨訟牒費精神風
雪常欺客文章本誤身小詩無傑思猶得當吟呻

入臨川境馬上作

投老糜身簿領間却因馬上得偷閒兼旬敢恨常為客
一飯何曾不對山銅鏡無情欺白髮霜風有力散酡顏
今宵要看浮橋月儘放征駢晚入關

別楊秀才

歲暮江頭又語離淡煙衰艸不勝悲俗人憒憒寧知子

心事悠悠欲語誰燈暗想傾澆悶酒路長應和贈行詩
人生但要身彊健一笑相從自有時

發臨川

見客道傍店添衣江上村陂長風浩浩山遠霧昏昏虛
日人聲合凶年菜色繁扶衰歸北闕何以報君恩

早行

江路迢迢馬首東臨川一夢又成空日高未泣晨霜白
風勁先消卯酒紅山市人經饑餳後孤生身老道途中

著身穩處君知否射的峰前卧釣篷

白千鋪別傳用之主簿

我行忽百里送客亦已空傳子獨眷眷旦莫隨此翁謝
之不肯去瘦馬衝北風泥濺及馬臆霜飛逼裹茸茅店
得小語慨然念年凶不作兒女悲道義相磨礲我歸亦
何為魚鳥愁池籠君乃臺閣人鸞鳳儀笙鏞若耶遼青
山予艸堂在若耶溪上天祿摩蒼穹此別各努力出處何必同

過茱萸鋪青松朱戶前臨大道絕似西陲亭驛悵

然有作

茱萸小驛夕陽愁搔首臨風感舊遊渾似軍行散關路
但無鼓吹動涼州

青溪道中行古松間因少留瀹茶而行

露濕青松細細香旋呼拄杖踏斜陽三生舊發遊山願
一卷新傳辟穀方雲外未論笙鶴近塵中實厭簿書忙
拾樵汲磽俱清絕聊為煎茶一據牀

弋陽縣江上書觸目

縣前奇哉一江水日暮風吹碧鱗起客恨征塵忽如洗
不用金篦刮眸子丹楓岸邊雪色蘆下有老翁方捕魚
欲求妙思貌畫圖王維鄭虔今世無

乾封驛早行

已已被驛書乙亥戒徂兩扶衰犯霜露疲憊不可狀夜
行星滿天晨起雞初唱槁枝燒代燭凍菜擷供餉三年
走萬里天幸苟亡恙深知賦材薄自笑得名妄宣溫望
玉座何以待諮訪春江色如藍歸舟行可榜

過江山縣浮橋有感

堪笑行人日日忙又扶衰病過浮梁灘流急處水禽下
桑葉空時村酒香枯朽敢懷貪雨露饑鴻自憫犯風霜
宦途商略無安處早晚歸耕剡曲旁

衢州早行書懷

隣雞已三號殘燭無一寸參差發行橐迢迢望前頓滿
靴霜若雪破面風抵刃敢辭行路難漸喜京邑近少年
奉朝請親見堯授舜飄然如脫葉蹭蹬垂七閏風埃暗

征袍歲月集衰鬢餘生迫歸休周行愧英俊

杭頭晚興

嚴州

山色蒼寒野色昏下程初閉驛亭門不須更把澆愁酒
行盡天涯慣斷魂

又

落葉孤村晚下程癡雲殘日半陰晴篝爐火煖牀敷穩
卧聽黃鶲穀穀聲

行至嚴州壽昌縣界得請許免入奏仍除外官感

恩述懷

曉傳尺一到江村拜起朝衣漬淚痕敢恨帝城如日遠
喜聞天語似春溫翰林惟奉還山詔湘水空招去國魂
聖主恩深何力報時從天末望修門

桐廬縣泛舟東歸

桐江艇子去乘月笠澤老翁歸放慵一尺輪囷霜蟹美
十分瀲灔社醅濃宦遊何啻路九折歸卧恨無山萬重
醉裏試吹蒼玉笛為君中夜舞魚龍

予欲自嚴買船下七里灘謁嚴光祠而歸會灘淺
陸行至桐廬始能泛江因得絕句

客星祠下渺煙波欠我扁舟舞短蓑不為窮冬怕灘惡
正愁此老笑人多

又

桐廬縣前艣聲急蒼煙茫茫白鳥雙亂山日落潮未落
勝絕不減吳松江

漁浦

桐廬處處是新詩漁浦江山天下稀安得移家常住此

隨潮入縣伴潮歸

又

漁翁持魚叩舷賣炯炯綠瞳雙臉丹我欲從之逝已遠
菱歌一曲莫江寒

蕭山

素衣已免染京塵一笑江邊整幅巾入港綠潮深蘸岸
披雲白墻遠招人功名姑付未來劫詩酒何孤見在身

會向桐江謀小築浮家從此往來頻

辛丑正月三日雪

開歲尚殘冬佳哉雪意濃潤歸千里麥聲亂五更鐘簾隙收初密牆隅積已重龍團笑羔酒狐腋襲駝茸危檻臨欹竹幽窗聽墮松忽思西戌日憑堞待傅烽

予從戎
日嘗大

雪中登興元城上高

興亭待平安火至

正月二十八日大雪過若耶溪至雲門山

山中看雪醉騎驢清賞真成十載無高壓孤峰增峭絕

斜傾叢竹失枝梧松肪火暖眠僧榻半糴羹香擁地爐
病骨雖癯猶健在未應遽作卧遊圖

雪中登雲泉上方

滃滃雲堆上茫茫雪海中煎茶誇坐客打竹課蠻童冰
谷鳴饑鶴煙汀立斷鴻歸來更堪喜葑火滿爐紅僧以葑為

火

衝雪至餘慶覺林雪連日不止

策蹇清吟涉若耶灞橋猶恨近京華山前千頃誰種玉

座上六時天散花林雀無聲溪彎斷炊煙不動竹籬斜
勝遊更覺平生少未羨銀河泛客槎

大雪歌

若耶溪頭朝莫雪鴉鵲墮死長松折橫飛忽已平屐齒
亂點似欲粧簾纈放翁憑閣喜欲顛摩娑拄杖向渠說
莫辭從我上嵯峨此景與子同清絕銀盃拌蜜非老事
石鼎煎茶且時啜題詩但覺退筆鋒把酒未易生耳熱
扶衰忍冷君勿笑報國寸心堅似鐵漁陽上谷要一行

馬蹄蹴踏河水裂

雪霽歸湖上過千秋觀少留

縱轡不嫌遠逢山猶一登夕陽陂渺渺殘雪墻層層折
竹橫遮道饑鳥下啄水欲歸還小駐倚杖對凌嶒

二月四日作

早春風力已輕柔瓦雪消殘玉半溝飛蝶鳴鶲俱得意
東風應笑我閒愁

新築山寧戲作

危檻凌風出半空怪奇造化欲無功天垂綸白紫青外
人在紛紅駭綠中日月匆匆雙轉轂古今杳杳一飛鴻
酒酣獨卧林間石未許塵寰識此翁

春晴出遊

一春彊半病頗廢山澤遊今晨忽良已風日亦清柔朝
食具令餅瘦骨辭重裘穉荷出溝港芳杜滿汀洲勿言
酒苦薄一笑失百憂且當詠尋壑詎必賦登樓

題山家壁

山中無傳漏猿鳴知既夕芳藤上幽援素月照高壁主人殊喜事歡若有夙昔稚子檠竹檠炊黍持餉客下隣雖未辨清嘯聊自適衰病久廢詩筆端歎荆棘

春晚風雨中作

箕踞藜牀岸幅巾何妨病酒住湖濱駕風浪作連三日掃地花空又一春樂事清宵當秉燭畏途平地有摧輪頽然耐辱君無怪元是人間澹蕩人

北窗

九陌黃塵早莫忙
幽人自愛北窗涼
清吟微變舊詩律
細字閒鈔新酒方
艸木扶疎春已去
琴書蕭散日初長
破羌臨罷楮頤久
又破銅匝半篆香

山中晚興

薄酒亦陶然
偃蹇澗石側
巾墮拄杖橫
意象頗自得
青山受落日
忽作玻瓈色
躊躇不忍去
下磴天已黑

夜登山亭

飛觀巒崕天宇寬
幽人半醉凭闌干
十三山渺渺鸞鶴遠

七澤茫茫蓑笠寒清吹拂林橫玉笛紫雲覆鼎熟金丹
童顏綠鬢無人識回首塵寰一夢殘

西村醉歸

俠氣崢嶸蓋九州一生常恥為身謀酒寧剩欠尋常債
劒不虛施細碎讎見孟東野詩歧路凋零白羽箭風霜破弊

黑貂裘佯狂自是英豪事村市歸來醉跨牛

自詠

三十年前接俊遊即今身世寄滄洲狸聲不辨諧韶韻

莫氣寧能徹斗牛綠酒可人消永日黃鸝多事管閒愁
吹笙跨鶴何時去剩欲平章太華秋

閒中頗有四方之志偶得長句

世論紛紛枉見仇吾身自計本悠悠讀書漸嬾惟思睡
壓酒初成不怕愁蜀棧冷雲侵瘦馬楚江籠月繫孤舟
興來會作飄然去更續騷人賦遠遊

遣興

綠髮凋零白髮多山林未死且婆娑無端忤俗坐狂耳

甚欲讀書如嬾何雨過亂蓑堆野艇月明長笛和菱歌
此中得意君須領莫愛車前印幾窠

又

遠簷新葉著啼鶯睡起東窗一榻橫愁袞袞來疑有約
春堂堂去恨無情鶻飛局上新棋勢龍吼牀頭古劒聲
莫歎柴荆無客到綠尊還對莫山傾

醉題

坎止流行五十秋胷中不解著閒愁浩歌野渡驚雲起

狂舞空庭挽月留性本自然憎截鶴器非大受愧函牛
平生最愛嚴灘路早晚貂裘換釣舟

小園

小園煙草接隣家桑柘陰陰一徑斜卧讀陶詩未終卷
又乘微雨去鋤瓜

又

歷盡危機歇盡狂殘年惟有付耕桑麥秋天氣朝朝變

蠶月人家處處忙

又

村南村北鶴鵠聲水刺新秧漫漫平行遍天涯千萬里
却從隣父學春耕

又

少年壯氣吞幽朔晚覺丘樊樂事多駿馬寶刀俱一夢
夕陽閒和飯牛歌

步虛

微風吹碧海細細生龍鱗半醉騎一鶴去謁青華君歸

來天風急吹我過缑山鏘然哦詩聲清曉落人間人間
仰視空浩浩遠孫白髮塵中老初見姬翁禮樂新十九
百年如電掃

又

瀛海日月淵蓬壺仙聖宅駕鶴一時遊海面日夜窄人
生蜉蝣耳一闋瓦甕中天地廣如許誰能發其蒙丹書
千卷藏一塵子能求之勿從人情窻趺坐春滿腹崑崙
待得丹芝熟

又

曩者過洛陽宮闕侵雲起今者過洛陽蕭然但荒壘銅
駝卧深棘使我惻愴多可憐陌上人亦復笑且歌世事
茫茫幾成壞萬人看花身獨在北邙秋風吹野蒿古冢
漸平新冢高

又

一瓢小如繭芳醪溢其中醉此一市人吾瓢故無窮不
言術神奇要是心廣大觴豆有德色笑子乃爾隘岳陽

樓中橫笛聲分明為子說長生金丹養成不自服度盡

世人朝玉京

醉中登避俗臺

半醉行歌上古臺
脫巾散髮謝氛埃
但知禮豈為我設
莫管客從何處來
荆曲煙波菱蔓滑
耶溪風露藕花開
老來世事渾成嬾
一櫂幽尋未擬回

立秋前三日夜坐庭中偶賦

絳闕清都侍宴還
天風搖珮夜珊珊
月輪桂滿蟾初冷

星渚橋空鶴尚閒一鶴每臨雲雨上幾人虛老市朝間

試將綠髮窺清鏡未愧儂妹玉鍊顏

李文饒詩云河漢女玉鍊顏雲輶往

到人間往

南堂臥觀月

河漢橫斜星宿稀卧看涼月入窗扉恍如北戌梁州日
睡覺清霜滿鐵衣

夜坐獨酌

玉宇沈沈夜向闌跨空飛閣倚高寒一壺清露來雲表

聊為幽人洗肺肝

夜興

鶴瘦龜饑與靜宜更闌徙倚竚清池月當三五初盈夜
河直西南欲落時浩浩醉歌羣鷺起翩翩孤影角巾欹
飛僂授我青瑤簡索賦山中夜興詩

月夜泛小舟湖中三更乃歸

落日愁思把釣鉤南隣借得采菱舟湖心月上明如畫
樹杪風生冷逼秋壯歲功名慚汗馬莫年心事許沙鷗

桐江一葉真奇策莫為兒曹作滯留

無題

半醉凌風過月旁水精宮殿桂花香素娥定赴瑤池宴
侍女皆騎白鳳凰

又

出繭脩眉淡薄粧丁東環珮立西廂人間浪作新秋感
銀闕瓊樓夜夜涼

自山中夜行還湖上

火雲崢嶸水車鳴行人畏熱不敢寧蕭然一馬兩園下
缺月照我影伶俜荒雞起早忽再唱北斗低盡餘三星
扁舟菱歌正嫋嫋叢冢鬼火何熒熒迎人漸見鏡湖白
回首已失秦山青道邊野店得小憩一盃濁酒傾殘瓶
登盤絕愛畦韭美轎釜未厭谿鱗腥丈夫所要飽辛苦
文叔尚困蕪萋亭

大風

今年毒熱不可支白汗如雨愁纖緺皇天悔禍為一洗

秋風作意來如期聲如怒濤撼坤軸夜半折我南齋竹
幽人晨起得奇觀鳳尾纖纏一窗綠

新秋

天河漸近鵲橋時一夜風吹斗柄移金井梧桐元未覺
畫廊蟋蟀已先知青燈耿耿還相伴白髮蕭蕭只自悲
猶勝玉門關外客卧聽沙雁數歸期

月夕睡起獨吟有懷建康叅政

月上虛堂一榻橫斷香漠漠欲三更隔簾清露挾秋氣

繞樹驚鴉啼月明只怪夢尋千里道不知愁作幾重城
苦吟更恨知心少西望金陵闕寄聲

病瘧後偶書

秋色已蕭然曲肱清夜眠孤燈欺病後薄酒慰愁邊藥
物從人乞文章畏客傳惟應一蓬艇湖海送凋年

秋日聞蟬

斷角斜陽觸處愁長亭搔首晚悠悠世間最是蟬堪恨

送盡行人更送秋

感秋

南山射虎漫豪雄投老還鄉一禿翁世味掃除和蠟盡
生涯零落併錐空秋驚蠹葉凋殘綠病著衰顏失舊紅
笠澤松陵家世事一竿惟是待西風

南軒

今年秋早涼七月已蕭然南軒修竹下枕簟終日眠時
將半殘夢聽此欲斷蟬推枕起太息四序忽已遷功名
墮渺莽衰疾方沈緜新月獨多情窺窓澹娟娟

夜坐

虛堂夜無寐顧影歎吟屏露濕螢黏艸雲迷雁落汀舊書開蠹簡濁酒倒殘瓶流落知無惑危機實飽經

新涼書事

卧看鳥篆印蒼苔窗戶涼生亦樂哉鳴樹亂蟬催日落拂階飛葉報秋來病餘已覺身如寄醉裏却憐心尚孩排日從今占幽事折殘蘿菊探溪梅

聞蟬思南鄭

昔在南鄭時送客褒谷口金羈叱撥駒玉盃蒲萄酒醉
歸涉漾水鳴蟬在高柳回鞭指秦中所懼壯心負人生
豈易料蹭蹬十年後蟬聲悅如昔而我已白首殘寇亡
形具輿地淪陷久豈無好少年共取印如斗

憶昔

憶昔浮江發劖南夕陽船尾每相銜楠陰暗處尋高寺
荔子紅時宿下巖高寺在瀘州下巖在雲安軍破口烹猪賽龍廟沙
頭伐鼓挂風帆區區陳迹何由記惟有征塵尚滿衫

病中夜興

病瘧秋來久未平艸堂遙夜不勝清疾風遞響驚林葉
列宿收芒避月明百計不能逃白髮一生堪笑役虛名
釣車且作桐江夢莫念安西萬里行

秋夜

秋氣侵帷夢不成一燈西壁翳還明風高露井無桐葉
雨急煙村有雁聲擊筑誰同燕市飲賈春方作會稽行
從來自許知何等堪歎江湖白髮生

謝張時可通判贈詩編

聖朝中興六十年君家文武何聯翩先生劖履冠麟閣
後嗣簪橐陪甘泉流傳到君愈卓犖投我千篇皆傑作
未分玉帳萬貔貅且擅詩人一丘壑爾來士氣日靡靡
文章光燄伏不起君今已似驥爾雲更看他年鯢擊水
酬莊器之賢良見贈

先朝六科親策士事業功名何壯偉元祐復科財數年
所得四三俄復止中興思賢形夢想屢詔自是朝廷美

紈袴小兒壞人事賜帛西歸困嘲詆諸公相視歎才難
一士卧雲誰挽起跨驢過我時共語晃董千年元不死
高談亹亹有脈絡橫得虛名吾可恥烏巾白紵塞路衢
砥柱頽波望吾子

舟過樊江憩民家具食

旅食何妨美蕨薇夕陽來叩野人扉蕭蕭短鬢秋初冷
寂寂空村歲薦饑蓼岸刺船驚雁起煙波吹笛喚牛歸
詩情剩向窮途得蹭蹬人間未必非

舟中作

斷岸飲轂觫清波跳儉喫紅橋未斜日白墠已昏鐘詩
律與年邁客愁如酒濃宋公題壁處橫靄抱孤峰稱心寺有
宋考功詩而予所未到望之慨然

九月三日泛舟湖中作

兒童隨笑放翁狂又向湖邊上野航魚市人家滿斜日
菊花天氣近新霜重重紅樹秋山晚獵獵青帘社酒香
隣曲莫辭同一醉十年客裏過重陽予自庚寅至辛丑始見九日于故山

霜天晚興

薄霜門巷不勝清
小立湖邊夕照明
紅顆帶芒收晚稻
綠苞和葉摘新橙
閒評琴價留僧話
靜聽松聲領鶴行
壯志消磨渾欲盡
西風莫動玉闕情

九月六日小飲醒後作

短劊悲秦狹
高歌憶楚狂
酒醒愁寥寥
香冷夢悵悵
屋老垣衣茂
池深石髮長
地爐須早計
衰病怯新霜

書悲

今日我復悲堅卧脚踏壁古來共一死何至爾寂寂秋
風兩京道上有邊馬跡議和壯士廢憂國清淚滴關河
入指顧忠義勇推激常恐埋山丘不得委鋒鏑立功老
無期建議賤非職賴有墨成池淋漓豁胸臆

又

丈夫孰能窮吐氣成虹霓釀酒東海乾累麴南山齊平
生塞旗手頭白歸扶犁誰知蓬窗夢中有鐵馬嘶何當
受詔出函谷封丸泥築城天山北開府蕭闕西萬里掃

塵煙三邊無鼓鼙此意恐不遂月明號荒雞

中夜起出門月露浩然歸坐燈下有賦

月白萬瓦霜露重四山雨開門忽驚歎秋色已如許去
蜀如昨日坐閱四寒暑無才屏朝蹟有罪宜野處平生
萬里心收斂卧環堵朱顏逝不留白髮生幾縷人言尺
蠖屈要有黃鸝舉功名非老事歲晚忍羈旅

新寒

病怯新寒欲不禁南窗擁褐夜愔愔江湖跌宕送餘日

書効蕭條孤壯心杜曲新愁隨斷雁遼陽遺恨入疎砧
此懷擬向何人說賴有昏燈伴苦吟

幽居

松陵甫里舊家風晚節何妨號放翁衰極睡魔殊有力
愁多酒聖欲無功一編蠹簡晴窗下數捲一作掩疎籬落木中退士所圖惟一飽諸公好為致年豐

醉中步月湖上

閏餘時節早天氣已淒冷悠悠哉曳杖行樂此清夜永霜

風餽病骨林月寫孤影新詩得復忘薄酒吹易醒浮生
役聲利百歲常鼎鼎清遊倘可繼終老謝人境

東村

塘路東頭鳥相林偶攜藤杖得幽尋桃源阡陌自來往
輞口雲山無古今遠浦過帆供極目莫天橫雁入微吟
歸來更覺愁無那剩放燈前酒椀深

西村

湖塘西去兩三家杖履經行日欲斜戩戩水紋生細縠

蜿蜿沙路卧修蛇旱餘蟲鏽園蔬葉寒淺蜂爭野菊花
老去郊居多樂事脫巾未用歎蒼華

題張幾仲所藏醉道士圖

千載風流賀季真畫圖髡鬚見精神邇來祭酒皆巫祝
眼底難逢此輩人

又

臥聽牀頭壓酒聲起行籬下摘新橙一尊久欠敲門客
風味何人似麴生

山園艸間菊數枝開席地獨酌

屋東菊畦蔓艸荒瘦枝出艸三尺長碎金狼藉不堪摘
掃地為渠持一觴日斜大醉叫墮幘野花村酒何曾擇
君不見詩人跌宕例如此蒼耳林中留太白

湖村月夕

客路風塵化素衣閒愁冉冉鬢成絲平生不負月明處
神女廟前聞竹枝

又

錦城曾醉六重陽回首秋風每斷腸最憶銅壺門外路

滿街歌吹月如霜

又

金尊翠杓猶能醉狐帽貂裘不怕寒安得驛驅三萬疋
月中鼓吹渡桑乾

又

誰持綠酒醉幽人鶴氅筇杖發興新今夜湖邊有奇事
青山缺處涌冰輪

尙酒徑醉走筆

少時憑酒剩狂顛，摘宿緣雲欲上天。
才盡氣衰空自笑，一盃纔放已頽然。

山中望籬東楓樹有懷成都

五門西角紅樓下，一樹丹楓馬上看。
回首舊遊如夢裏，

西風吹淚倚闌干

紅樓蜀王所作
在五門西南隅

莫秋有懷王四季夷

鏡湖西畔小茅茨，紅葉黃花秋晚時。
天閣素書無雁寄，

夜闌清夢有燈知功名蹭蹬初何憾朋舊乖離未免悲
遙想扁舟五湖口阻風中酒又成詩

幽居

老子堪咍老轉癡幽居喜及早寒時芋魁加糁香出屋
菰首羹甘若飴菰首茭白也顛倒朱黃思誤字縱橫黑白
戲拈棋此懷敢向今人說骨朽諸賢却見知

有懷

筇杖斜斜倚素屏北窗遙夜冷如冰何時得與平生友

作字觀書共一燈

對酒

醫從和扁來未著却老方吾晚乃得之莫如麴蘖良一
盃臉生春況復累十觴坐令桃花紅換盡霜葉黃看鏡
喜欲舞追還少年狂但恨寶釵樓風沙隔咸陽芳華雖
無恙萬里遙相望寶釵樓咸陽旗亭也芳華樓在成都合江園

感歎徑投枕

悲歡兩茫茫

初冬

鉏犂滿野及冬耕時聽兒童叱犧聲逐客固宜安散地
閒民何幸樂昇平雪花漫漫蕎將熟綠葉離離蕎可烹
飯飽身閒書有課西窗來趁夕陽明

晝寢夢一客相遇若有舊者夷粹可愛既覺作絕
句記之

夢中何許得嘉賓對影胡床岸幅巾石鼎烹茶火煨粟
主人坦率客情真

書歎

多病文園苦滯留時時浩歎攬貂裘縱無夜雨何曾寐
不為秋風也自愁今歲頓驚絲鬢改此生難繼錦江遊
欲談舊事無人共日落鴉歸又倚樓

督下麥雨中夜歸

細雨閭村墟青煙濕廬舍兩兩犢竝行陣陣鴉續下紅
稠水際蓼黃落屋邊柘力作不知勞歸路忽已夜犬吠
闖籬隙燈光出門磇豈惟露沾衣乃有泥沒膝誰憐甫
里翁白首學耕稼未言得一飽此段已可畫

霜曉肩輿行湖上

去去出柴關巾車古陌間晨霜染丹葉宿霧淡青山登覽身猶健歌呼酒每慳殷勤鏡湖水聊為照衰顏

杜門

寂寞山深處崢嶸歲莫時燒灰除菜蝗

讀如橫字去聲送芋謝

牛醫覓水晨澆藥燈窗夜覆棋杜門君勿怪遲莫少新

知

橫塘

橫塘南北埭西東柱杖飄然樂未窮農事漸興人滿野
霜寒初重雁橫空參差樓閣高城上寂歷村墟細雨中
新買一蓑苔樣綠此生端欲伴漁翁

是日偶買蓑衣甚妙

書事寄良長老

素屏烏几野人廬山色蒼寒十月初雨足四郊耕欲遍
霜高萬木脫無餘一尊窗下澆愁酒數卷牀頭引睡書
寄語住菴劉老宿不應隨俗向人疎

食齋十韻

舍東種早韭生計似庾郎舍西種小菜戲學蠶叢鄉惟
蘇天所賜青青被陵岡珍美屏鹽酪耿介凌雪霜采擷
無闕日烹飪有祕方候火地爐煖加穆沙鉢香尚嫌雜
筍蕨而況汙膏粱炊秔及鬻餅得此生輝光吾饑實易
足捫腹喜欲狂一掃萬錢食終老稽山旁

冬煖頗有春意追憶成都昔遊悵然有作

濯錦江邊罨畫樓金鞭曾護犧車遊紛紛萬事反乎覆
落落一身淹此留刻燭賦詩空入夢傾家釀酒不供愁

探春歌吹應如昨亦有朋儕記我不

忽忽

忽忽復悠悠頻驚歲月道若無船貯酒將奈斛量愁列

炬燕宮夜

成都故蜀時燕王宮今屬張氏海棠為一城之冠

呼鷹漢廟秋

南鄭漢高

帝廟予從戎時多獵其下凋年莫多感夢境付滄洲

醉書山亭壁

物外佯狂五百年扁舟又繫鏡湖邊飛昇未抵簪花樂
遊宦何如聽雨眠綠蟻灑尊芳醞熟黑蛟落紙艸書顛

忽拈玉笛橫吹去說與傍人是地仙

十月旦日至近村

鴨脚葉黃鳥曰丹艸煙小店風雨寒荒年
人家雞黍近芋羹豆飯供時節村童上牛踏
牛鼻吹笛聲長入雲際今年雖饑却少安縣
吏不來官放稅

蔬圃絕句

擬種蕪菁已是遲晚菘早韭恰當時老夫要作
齋盂備乞得青秧趁雨移

又

百錢新買綠蓑衣不羨黃金帶十圍枯柳坡頭風雨急
憑誰畫我荷鉏歸

又

青青蔬甲早寒天想像登盤已墮涎更欲鉏畦向東去
園丁來報竹行鞭

又

瓦壘浮屠盆作池池邊紅蓼兩三枝貪看忘却還家飯

恰似兒童放學時

又

小橋只在槿籬東溝水穿籬曲折通煙雨空濛最堪樂
從教打濕敗天公

又

衝雨衝風不怕寒晚來日出短蓑乾遼畦拾塊真為樂
莫作陶公運甓看

又

嬾隨年少愛花狂且伴羣兒鬪草忙行遍山南山北路
歸時新月浸橫塘

冬夜不寐至四鼓起作此詩

秦吳萬里車轍遍重到故鄉如隔生歲晚酒邊身老大
夜闌枕畔書縱橫殘燈無焰穴鼠出槁葉有聲村犬行
八十將軍能殄寇白頭吾欲事功名高麗有識云當有
八十老將平之李

英公實

膺是識

蔬圃

山翁老學圃自笑一何愚
磽瘠財三畝勤劬賴兩奴
正

方畦畫局微潤土融酥
翦闢荆榛盡鉏犁磊塊無過溝
橫略杓聚甓起浮屠

拾園中瓦
砾作小壇

隙地成瓜援餘功及芋

區如絲細生菜似鴨爛蒸壺
此事今真辦東歸不為鱸

夢中作

拓地移屯過酒泉第功圖像上凌煙事權皂纛兼黃鉞
富貴金貂映玉蟬油築毬場飛騾裏錦裁步障貯嬪娟
擁塗士女千層看應記新豐舊少年

村居酒熟偶無肉食煮菜羹飲酒

歌鳳僂僂類楚狂畏犧齶齶笑蒙莊著書幸可俟後世

對客從嗔卧大牀三畝青蔬了盤筋一缸濁酒具盃觴

丈夫窮達皆常事富貴何妨食萬羊

李文饒嘗遇異人
云平生當食萬羊

辛丑十月諸公餽酒偶及百榼戲題長句

喜事諸公尚見存尺書時到爵羅門已邀風月成三友

聊對湖山倒百尊醉墨淋漓動高壁狂歌悲壯落前村

悠然睡起西窗黑一點青燈又斷魂

灌園

少攜一劖行天下晚落空村學灌園交舊凋零身老病
輪囷肝膽與誰論

幽居

破屋頽垣霧雨昏幽人終日掩柴門因鋤衰艸通南阜
偶洗叢篁見北村袒褐竒溫等狐腋寒蔬脆美敵熊蹯
冬來酒戶微增舊萬事應須付一尊

日出入行

吾聞開闢來白日行長空扶桑誰曾到崦嵫不可窮但
見旦旦升天東但見莫莫入地中使我倏忽成老翁鏡
裏衰鬢成霜蓬我願一日一百二十刻我願一生一千
二百歲四海諸公常在座綠酒金尊終日醉高樓錦繡
中天開樂作畫鼓如春雷勸爾白日無西頹常行九十
萬里胡為哉

午醉徑睡比覺已甲夜矣

自我歸城西已復再見冬雖未挂衣冠其實則老農好

事或餉酒石室酒最釀一醉輒至莫卧聞湖寺鐘心安
病自除衾煖夢欲重化作孤鶴去雲崦巢長松

簡蘇訓直判院莊器之賢良

行盡天涯白髮新槿籬竹屋著閒身讀書達旦失衰病
食菜終年安賤貧正使寄聲無薛孟不妨同里有荀陳
從今杖履時相過花柳村村次第春

醉眠曲

老夫莫年少嗜好但願無事終日眠斜風急雨勢方橫

低窗小閣且幽妍。爐紅酒綠足閒暇。
橙黃鮮紫窮芳鮮。一盃一盃意忽倦。
徑撥紙帳投蠻氈。鼻間鼾聲欲撼屋。
手中書冊正墮前。不知校事白中聖。
那惜門生嘲腹便。讀書萬卷晚乃悟。
妙哉此訣祕不傳。是醒是醉人莫測。
非夢非覺中了然。騁騁百年露電速。
鼎鼎一世膏火煎。金丹九轉顧未暇。
且向人間稱睡僊。

冬夜

歲晚風霜惡。將如遙夜何。
殘燈挑更暗。寒犬吠偏多。
支

枕成孤詠懷人起浩歌梅花不解飲誰伴醉顏酡

又

忽忽流年恨悠悠獨夜情向人燈欲語遠舍露如傾夢
每輕千里愁偏怯五更殷勤桑落酒好為解餘醒

夜話贈華師

少喜洛陽俠今成衡嶽僧深培地爐火明照佛龕燈衰
鬢晨霜白禪心古澗澄猶能遍參在為我買行縢

卧病書懷

衮衮年光挽不留即今已白五分頭病中對酒猶思醉
夢裏逢人亦說愁青海戰雲臨賊壘黑山飛雪灑貂裘
丈夫有志終難料憔悴漁村死即休

病中絕句

酒錢自昔從人乞詩思出門何處無青筠織蓬菅織席
此生端欲老江湖

又

半脫貂裘雪滿鞍慣將豪舉壓儒酸病來意氣渾非昨

一炷香煙帳底看

又

酒味醺人睡味濃午時高枕到昏鐘經旬不見西窗日
世上應無嬾似儂

又

造物今年憫我勞微痾得遂閉門高黃紬被煖青氈穩
不怕郊原雪意豪

又

青熒猶有佛燈明點滴時聞竹露聲欲睡不成還起坐

麗譙風順報三更

又

少時談舌挾風雷病後逢人口嬾開安得東臯隱君子
相看無語只銜盃

蔬園雜詠

菘

雨送寒聲滿背蓬如今真是荷鋤翁可憐遇事常遲鈍

九月區區種晚菘

蕪菁

往日蕪菁不到吳如今幽圃手親鉗憑誰為向曹瞞道
徹底無能合種蔬

葱

瓦盆麥飯伴隣翁黃菌青蔬放筋空一事尚非貧賤分

芼羹僭用大官葱

鄉圃有大官葱比常葱差小

巢

昏昏霧雨暗衡茅兒女隨宜治酒飯便覺此身如在蜀

一盤籠餅是豌巢

蜀中雜彘肉作巢饅頭佳甚唐人正謂饅頭為籠餅

芋

陸生晝卧腹便便歎息何時食萬錢莫誚蹲鴟少風味
賴渠擰住過凶年

卯飲醉臥枕上有賦

天寒朝泥酒熟醉臥蓬窗雨勢平吞野風聲倒卷江漁
蓑傲狐腋菜把美羊腔常笑潮陽守南征畏下瀧

又

一榻卧空舍四山風雨聲病多書倚閣寒極酒施行孤
憤歌彌放端憂涕易橫羣兇滿河洛志士若為情

劍南詩稿卷十三

謹案第十七頁前一行聲如怒濤撼坤軸刊本撼訛咸今改

第二十六頁後六行在成都合江園刊本成訛咸

今改

第三十三頁前六行寒蔬脆美敵熊蹯刊本蹯訛

蟠今改



總校官庶吉士臣張能照
校對官檢討臣季學錦
謄錄監生臣朱恂

欽定四庫全書會要

集部

効南詩豪卷十四

詳校官助教臣謝登雋



欽定四庫全書 舊要卷一萬五千五百四

集部

劖南詩稾卷十四

宋 陸游 撰

十月二十六日夜夢行南鄭道中既覺恍然攬筆
作此詩時且五鼓矣

孤雲兩角不可行望雲九井不可渡嶓冢之山高插天
漢水滔滔日東去高皇試劖石為分艸沒苔封猶故處
將壇坡陀過千載中野疑有神物護我時在幕府來往

無晨莫夜宿汚陽驛朝飯長木舗雪中痛飲百榼空蹴
踏山林伐狐兔耽耽北山虎食人不知數孤兒寡婦誰
不報日落風生行旅懼我聞投袂起大嘯聞百步奮戈
直前虎人立吼裂蒼崖血如注從騎三千皆秦人面青
氣奪空相顧國家未發渡遼師落魄人間傍行路對花
把酒學醞藉空辱諸公誦詩句即今衰病卧在牀振臂
猶思備征戍南人孰謂不知兵昔者亡秦楚三戶

雨晴步至山亭欲遂遊東村不果

村陋垣牆頽歲晚風雨橫泥塗絕還往飧粥養衰病藥
囊雜書卷白髮滿清鏡一榻卧兼旬不踐牆下徑烏鵲
忽報晴霜重節候正厭供凍硯愁頗動蠟屐興山楹快
遠眺松吹愜幽聽地瘦藥苗稀葉脫木枝勁東村未為
遠脚力不濟勝三歎入荆扉跏趺學僧定

喜晴

衡門病卧動經旬歲晚況堪風雨頻晴日一窗殊慰眼
清霜萬瓦更宜人開書頓失昏花墜試茗初看白乳新

南埭東陂從此好剝將紅藥插烏巾

對食

人苦不知足貪欲浩無窮豹胎日厭餐飲萍虀却時供飲
豚以人乳萬筭亦改容方其未遇時鵩鳥動英雄哀哉
王相國計墮飯後鐘所以賢達士一視約與豐我亦蹭
蹬者羈遊半生中木槃飽藜覓美與玉食同口腹嗟幾
何曾是役我躬放箸一笑粲賦詩曉愚公

不睡

城遠不聞鐘鼓傳
孤村風雨夜
騷然但悲綠酒欺多病
敢恨青燈笑不眠
冰冷硯蟾初薄凍
火殘香鴨尚微煙
虛窗忽報東方白
且復繙經繡佛前

睡

紙帳青氈暖有餘
昏昏信腳到華胥
凍釀有力勤推挽
春茗無端苦破除
半熟擁衾聞急雨
乍回推枕覓殘書
箇中得意君知否
萬戶一作里生封未必如

憶荊州舊遊

書効萬里行翩翩度闕登龍常慨然射麋雲夢最樂事
至今曠快思楚天落筆千言不加點班荆百榼命割鮮
有時憑陵呼五白笑人辛苦作太玄君不見將軍昔忍
跨下辱京兆晚為人所憐功名富貴自古只如此不如
馳射樂飲終殘年

五雲門晚歸

高城帶遠林落日動寒砧行客自朝莫青山無古今衰
遲慙逸氣憂患足危心溪迮滯歸艇何時春水深

冬暖

今年歲莫無風雪塵土肺肝生客熱經旬止酒卧空齋
吳蠻秦酥不容設日憂疾疫被齊民更畏螟蝗殘宿麥
濃霜薄霰不可得太息何時見三白老夫壯氣橫九州
坐想提兵西海頭萬騎吹笳行雪野玉花亂點黑貂裘

歲莫

吳中寒氣薄歲莫亦和風移樹來村北尋僧渡港東露
葵收半綠霜稻杆微紅一飽無餘念吾生正不窮

雪夜

書卷紛紛雜藥囊擁衾時炷海南香衰遲自笑壯心在
喜聽北風吹雪牀

又

村路雪泥人斷行佛燈一點絳紗明山前栖鶴歸何晚
磔磔風傳勁翮聲

禪室

早誇劇飲無勍敵晚覺安禪有宿因赫赫心光誰障礙

絲絲鼻息自輕匀
蒲龕紙帳藏身穩
香枕燈籠作夢新
勿為霜寒憶溫暖
少林立雪彼何人

炭盡地爐危坐至夜分戲作

短景窗易黑長宵爐少紅直令貧到骨未害氣如虹志
士元謀道儒生敢諱窮霜嚴雞喔喔但愧讀書功

夜汲井水煮茶

病起罷觀書袖手清夜永四隣悄無語燈火正淒冷山
童亦睡熟汲水自煎茗鏘然轆轤聲百尺鳴古井肺腑

凜清寒毛骨亦蘇省歸來月滿廊惜踏疎梅影

雪後尋梅

雪晴蕭散曳筇枝小塢尋梅正及時臨水登山一年恨
十分說似要渠知

又

青帝宮中第一妃寶香熏徹素綃衣定知謫墮不容久

萬斛玉塵來聘歸

橘中四叟博輸玉塵九斛

又

銀燭檀槽醉海棠
老來非復錦城狂
疎梅對影太清淡
為拂焦桐彈履霜

又

雪裏芬芳亦偶然
世人便謂占春前
飽知桃李俗到骨
何至與渠爭著鞭

又

雙鵲飛來噪午晴
一枝梅影向窗橫
幽人宿醉閒欹枕
不待聞香已解醒

又

竹籬曲曲水邊村月澹霜清欲斷魂商畧前身是飛燕
玉肌無粟立黃昏

又

相逢未易可疎親不是登牆宋玉隣林下風標許誰比
直須江左謝夫人

又

春近山中日漸長重重門掩閑幽香神仙不飲塵凡酒

素面看人醉後彊

又

禁殿仙姝下界遊偶來稅駕剡溪頭君看月裏橫枝影
盡是蒼龍與翠虬

又

清霜夜夜奈寒何賴是知心有素娥枉道疎枝不禁笑
主人歡意自無多

寄朱元晦提舉

市聚蕭條極村墟凍餒稠勸分無積粟告糴未通流民
望甚飢渴公行胡滯留徵科得寬否尚及麥禾秋

村居冬日

溪轉樵風路林藏禹會村簷冰垂玉墻山月涌金盆畏
客常稱疾耽書不出門尚嫌城市近更擬卜雲根

寓天慶觀有林使君年八十七方燒丹云一黍米
大可化汞一斤為黃金梅道人年八十五善醫

世路崎嶇久已忘道腴禪悅度年光故攜開士降龍鉢

來寄高人夢蝶牀只道燒金有劉向不知賣藥是韓康
日長坐覺非塵世庭檜花開蜂蜜香

宿天慶道院

衰病厭多事清遊諳夙心夜深樓突兀歲晚柏蕭森汲
井洗靈藥焚香橫素琴身閒境自勝城市亦山林

贈林使君

使君物外閑年華厭聽奴兵早莫衙雙履踏雲呼野渡
一瓢邀月醉梅花紅爐點汞閒消日烏几繙經不憶家

我亦峩山有歸處約君同載泝三巴

又

松檜陰中百步廊我來剥啄叩琳房魚腸寶劙餘蛟血
鴉嘴金鋤帶藥香弱水蓬萊風浩浩赤明龍漢劫茫茫
何妨付與神丹訣教跨青鸞到帝鄉

冬夜

窮巷蕭條早閉門北窗燈火夜昏昏老子俗事不挂眼
愁憶故人空斷魂急雪打窗飛礀細狂風卷野怒濤翻

土牀紙帳寒無寐彊把村醅不厭渾

宴坐

身窮寄山裏心安一事無新傳小止觀漸解半跏趺急
雪鳴窗紙孤燈耿地爐老來元少睡且復兀枯株

夢中作

路平沙軟淨無泥香艸丰茸沒馬蹄擣紙聲中春日晚
恍然重到浣花溪

夜寒遣興

道人頹然寄北窗愁魔百萬一笑降夜闌酒渴有奇夢
吞楚七澤吳三江孤村蕭蕭雨解雪寒犬噤卧飢鼠齧
擁衾危坐待天明白首忍窮心似鐵

雪後出遊戲作

小獻平岡雪陸離幽人又賦探春詩典琴沽酒元非俗
著屐觀碑又一奇大度乾坤容落托多情風月笑衰遲
吾生也似梅花淡燕未歸來蝶不知

歲暮

半生浪走跨秦吳白首還如筮仕初凍芋濁醪邀里巷
昏煙濕雪暗郊墟窮空敗恨寒無褐憂患元因出有車
笑掩陳編聊自慰古來富貴羨樵漁

記夢

世事紛紛觸眼新何由常作夢中身遠遊萬里纔移刻
豪飲千場不忤人鼓吹滿城壺日晚鶯花如海洞天春
是間可老君知否莫信人言想與因

立春後三日作

拂面毵毵巷柳黃穿簾細細野梅香春回江表常年早
日向山中特地長千古事終輸釣艇一毫憂不到禪房
綠尊掩罷惟須睡高枕看人舉世忙

短景

短景迫窮冬日月如鳥過衡門窘風雨衰病不可那疎
疎屋茅漏獵獵窗紙破鼠豪冒燈出人倦掩屏卧中都
舊朋儕零落今幾箇弄筆欲遣愁孤吟誰與和

風雨旬日春後始晴

風吹過雁作斜行雨洗殘梅只淡香南浦春回波漸綠
東菴睡起日初長詩囊屬橐慚新思博齒爭豪悔昔狂
莫向晴窗對明鏡朱顏減盡鬢蒼蒼

乍晴風日已和泛舟至扶桑埭徘徊西村久之

十日風雨今日晴衰病忽減思閒行接離一幅煙霧薄
舴艋八尺鳬鷺輕亭亭孤墳遠天碧曲曲深巷斜陽明
數家茅屋門晝掩不聞人聲聞碓聲身似龐公不入城
東阡南陌餞餘生新年倘有豐年喜買酒漁村看太平

晨起南窗晴日可愛戲作

蕭散山林一幅巾天公乞與自由身茅簷不似宮博暖
日滿南窗也可人

攜瘦尊醉梅花下

楠瘦作尊容斗許擁腫輪囷元媚嫵肯從放翁來住山
誰云置身不得所山房寂寞久不飲作意欲就梅花語
我病解歡花更甚日暮淒涼泣殘雨人生萬事雲茫茫
一醉常恐俗物妨正須仙人冰雪膚來伴老子鐵石腸

花前起舞花底臥花影漸東山月墮瘦尊未竭狂未休
笑起題詩識吾過

城西接待院後竹下作

水邊小丘因古城上有巨竹數百箇一徑蛇蟠不容脚
平處乃可十客坐裊裊共看風枝舞簌簌時聽春籜墮
古佛不粧香火冷瘦僧如腊袈裟破門前西去長安路
日夜軸轆銜尾過老夫本乏臺省姿且就清陰曲肱卧

夜飲示坐中

胡雁叫羣寒夜長崢嶸北斗天中央達人大觀眇萬物
烈士壯心懷四方縱酒長鯨渴吞海艸書瘦蔓飽經霜
付君詩卷好收拾後五百年無此狂

夜從父老飲酒村店作

旗亭濁酒典衣沽蟹舍老翁折簡呼夜中醉歸騎艸驢
嵬昂不須宗武扶丹徒布衣有籌略漁陽突騎莫枝梧
牀頭金盡何足道肝膽輪囷橫九區

壬寅新春

半生常是道邊人歲晚初收事外身濁酒一盃聊永日
小園三畝亦新春尚無枕寄邯鄲夢那有衣沾京洛塵
門外煙波三百里

鏡湖三
百里

此心惟與白鷗親

幽居春夜

莫景催人雪鬢霜十年始復反吾邦雲逢佳月每避舍
酒壓閒愁如受降三弄笛聲初到枕一枝梅影正橫窗
要知清夢遊何許不釣桐江即錦江

讀書

放翁白首歸剡曲寂寞衡門書滿屋藜羹麥飯冷不嘗
要足平生五車讀校讎心苦謹塗乙吟諷聲悲雜歌哭
三蒼奇字已殺青九譯旁行方著錄有時達旦不滅燈
急雪打窗聞簌簌倘年七十尚一紀墜典斷編真可續
客來不怕笑書癡終勝牙籤新未觸

晨起

小雨濕清曉新鶯啼早春年光驚病眼節物屬閒身巴
陝東連楚蟠山北控秦遠遊端可繼敢恨素衣塵

昔在成都正月七日聖壽寺麻子市初春行樂處
也偶晨興聞鄰村守麻有感

樂事新年入錦城城南麻市試春行如今老病茅簷底
卧聽兒童嚇雀聲

獨孤生策字景略河中人工文善射喜擊劒一世
奇士也有自峽中來者言其死于忠涪間感涕賦

詩

憶昨騎驢入蜀闕旗亭邂逅一開顏氣鍾太華中條秀

文在先秦兩漢間寶効憑誰占斗氣名駒竟失養天閑
身今老病投空谷回首東風涕自滑

早春對酒感懷

探花疇昔喜春回老大空驚節物催芳瓮旋開新壓酒
好枝猶把未殘梅書生歲惡堪藜覓志士時平死艸萊
初聞獨孤策死欲寄孤懷誰晤語夜彈長効有餘哀

曉出湖邊摘野蔬

浩歌振履出茅堂翠蔓丹芽采擷忙且勝堆盤供苜蓿

未言滿斛進檳榔行迎風露衣巾爽淨洗羶葷七筋香
著句誇張君勿笑故人方厭大官羊

游飢之餘復苦久雨感歎有作

道傍襁負去何之積雨成愁麥不支為國憂民空激烈
殺身報主已差池屬饜糠麩猶多愧徙倚柴荆只自悲
十載西遊無惡歲羨他名下足蹲鵠予在蜀幾十年
未嘗逢歲歉也

春晴泛舟

兒童莫笑是陳人湖海春回發興新雷動風行驚蟄戶

前一日聞雷 天開地闢轉鴻鈞鱗鱗江色漲石黛嫋嫋柳絲

搖麴塵欲上蘭亭却回棹笑談終覺愧青真

攜一尊尋春湖上

酒裏真須勉策勲百年何啻是中分花梢已點猩猩血
水面初生瑟瑟紋一世極知均腐骨萬鍾元自付浮雲
浩歌不恨無人和但惜驚飛白鷺羣

晦前二日夜欲曉自湖中歸對殘月獨酌

小閣對寒蟾山尊盡更添方看一輪滿又歎兩頭纖脈

脈離雲嶠娟娟傍畫簷五更清露下不恨客衣霑

春曉有感

山杏溪桃續續開緩歌誰與共傳盃年來只有追歡夢
百舌無情又喚回

夜觀秦蜀地圖

往者行省臨秦中我亦急服叨從戎散關摩雲俯賊壘
清渭如帶陳軍容高旌縹渺嚴玉帳畫角悲壯傳霜風
咸陽不勞三日到幽州正可一炬空意氣已無雞鹿塞

單于合入蒲萄宮燈前此圖忽到眼白首流落悲塗窮
吾皇英武同世祖諸將行策雲臺功孤臣昧死欲自薦
君門萬里無由通正令選壯不為用筆墨尚可輸微忠
何當勒銘紀北伐更擬艸奏祈東封

久雨小飲

春來日日風雨橫老去時時衰病攻門外回塘初漲綠
尊前槁面鬢生紅未除豪氣每自笑欲吐狂言無與同
安得并刀剪簷溜馮高萬里望晴空

有懷獨孤景略

富貴世間元不乏此君才大獨難成暗鳴意氣千人廢
媚雅風流一座傾韜略豈勞平大敵文章亦足主齊盟
荒山野水涪州路腸斷西風薤露聲

春雨復寒遣懷

去日堂堂挽不回新年又傍鬢邊來雨聲欲作海棠崇
書卷只為春睡媒村舍瘦蔬供薄酒地爐微火伴殘灰
浩然忽起金鞭興漾水嶓山安在哉

春遊

平生樂行役不耐常閉戶今朝新雨霽一笑整巾屢青
猿導幽蹊春艸伴微步雖云尊酒薄蔬果亦略具辛夷
發高枝楊柳吹墮絮行歌不知遠落日呼野渡橫林已
棲鴉淺水猶立鷺歸來意頗豪古錦有新句

海棠

今日春已半風雨停出遊餅中海棠花數酌相獻酬尚
想錦官城花時樂事稠金鞭過南市紅燭宴西樓千林

誇盛麗一枝賞纖柔狂吟恨未工爛醉死即休那知茅簷底白髮見花愁花亦如病姝掩抑向客羞尤物終動人要非桃杏儔東風萬里恨浩蕩不可收

寄仗錫平老借用其聽琴詩韻

放翁久矣無此客闔戶兒童皆動色寒泉不食人渴死素綆銀瓶我心惻千金易得一士難晚途淹泊服愈寒豈知一旦乃見子傑語豪筆無僧酸門前清溪天作底細細風吹縠紋起倚欄一笑誰得知愛子數詩如此水

江湖安得常相從浩歌相踏卧短蓬功名渠自有人了
留我鏡中雙頰紅

五月十四日夜夢一僧持詩編過予有暴雨詩語
頗壯予欣然和之聯巨軸欲書未落筆而覺追作
此篇

黑雲塞空萬馬屯轉盼白雨如傾益狂風疾雷撼乾坤
壯哉澗壑相吐吞老龍騰掣下天闕鱗間火作電脚犇
巨松拔起千年根浮槎斷梗何足論我詩欲成醉墨翻

安得此雨洗中原長河衮衮來崑崙鶴鵠下看黃流渾

新塘觀月

攜酒新塘南中夜欲忘歸貪看月滿湖不覺露濕衣天
高鶴聲厲風急螢火稀此夕不一醉行歎破鏡飛漁家
亦喜事未掩水際扉皇天有公道處處皆清暉

觀張提刑周鼎

他人富貴堆金璧曼舞妖歌誇坐客清心好古誰似公
漢庭諸人推博識一朝得此周廟器買不論貲空四壁

苔痕洗盡銅色見坐卧摩挲欲忘食蠻童捧出客為起
恍如清廟陪劖履腹中奇字粲蟲魚嶧山之碑那得比
知公原是功名人看罷握手同悲辛鎬京洛邑在何許
漠漠秋風吹戰塵

口占送巖師還大梅護聖

放翁白髮已蕭然黃紙新除玉局仙寄語山頭老師叔
欲分茅舍度殘年常禪師偈云更移茅舍入深居謂護聖也

八月十四日夜湖山觀月

長空露洗玻璃碧紫金之盤徑三尺忽看璧地出人間
桂樹扶疎如淡墨攬衣獨立鏡湖邊風露萬頃秋渺然
開帆詎必入東海騎鯨便可追飛仙冰壺玉瀣侵骨冷
醉看孤鸞舞清影夜闌歸舍人已眠却倩天風為吹醒
十五夜月色皎然有頃雲生遂不復見

北望但空濶南望橫羣山青天無翳行素月寥寥永夜
非人間九醞漿成老仙醉六銖衣薄天宮寒翠眉真人
不火食小立環佩風珊珊橫空邀我海山去縹渺萬里

驂青鸞相攜一笑在雲表徐看玉宇飛金盤

夜聞秋風感懷

西風一夜號庭樹起攬戎衣淚濺襟殘角聲催關月墮
斷鴻影隔塞雲深數篇零落從軍作一寸淒涼報國心
莫倚壯圖思富貴英豪何限死山林

玉局歌

玉局祠官殊不惡銜如冰清俸如鶴酒壺釣具常自隨
五尺新蓬織青筠倚樓看鏡待功名半世兒癡晚方覺

何如醉裏泛桐江長笛一聲吹月落蔣公新冢石馬高
謝公飛旐凌秋壽微霜莫遣侵鬢綠從今二十四考書

玉局

醉歌

往時一醉論斗石坐人飲水不能敵橫戈擊劒未足豪
落筆縱橫風雨疾雪中會獵南山下清曉嶙峋玉千尺
道邊狐兔何曾問馳過西村尋虎跡貂裘半脫馬如龍
舉鞭指麾氣吐虹不須分弓守近塞傳檄可使妖氛空

兵連旣結六十載彼近失利勢已窮聖朝好生天廣大
還爾境上海天東

閉門

寂寂雲山千萬重閉門不忍歎塗窮高秋酒熟雪浮瓮
中夜劖歸雷吼空近報犬羊逃漠北豈無貔虎定關中
君王猶記狐忠在安得英豪共此功

艸書歌

傾家釀酒三千石閒愁萬斛酒不敵今朝醉眼爛巖電

提筆四顧天地窄忽然揮掃不自知風雲入懷天借力
神龍戰野昏霧腥奇鬼摧山太陰黑此時驅盡胸中愁
梔牀大叫狂墮幘吳牋蜀素不快人付與高堂三丈壁

野飲夜歸戲作

青海天山戰未鏖即今塵暗舊戎袍嵐高乍覺弓聲勁
霜冷初增酒興豪未辦大名垂宇宙空成慟哭向蓬蒿
灞亭老將歸常夜無奈人間兒女曹

夜泊水村

腰間羽箭久凋零
太息燕然未勒銘
老子猶堪絕大漠
諸君何至泣新亭
一身報國有萬死
雙鬢向人無再青
記取江湖泊船處
卧聞新雁落寒汀

幽居

遶屋巒巒碧玉峰
箇中天遣養疎慵
捐書已歎空虛腹
得酒還澆壘塊胸
曲几坐看窺戶月
短篷臥聽隔城鐘
柴桑自有歸來意
枉道人間不見容

與隣翁登山亭

數掩槿籬圍夕照。一間茅舍背陰崖。
吾生擾擾實無樂。人事悠悠那可諧。
憂患向來侵綠鬢。登臨此日費青鞋。
京華舊友凋零盡。野老逢迎一散懷。

無題

轆轤檀車赴密期。追歡最數牡丹時。
新春欲近猶貪喜。舊愛潛移不自知。
寶鏡塵生鸞鶯悵望。鈿箏絃絕雁參差。
玉壺莫貯臘脂淚。從濕泥金帶上詩。

遣興

平生與俗馬牛風落魄人間亦未窮綠綺奏終香縷碧
烏絲書罷燭花紅夢中吳蜀山川近醉後周秦戰伐空
投老飄飄君勿笑也勝魚鳥在池籠

夢宴客大樓上命筆作詩既覺續成之

表裏江山亦樂哉華纓滿座敵鄒枚歌從郢客樓中聽
獵向樊姬墓上回梅蘂香清簾寶髻熊蹯味美按新醅
眼邊歷歷興亡事欲賦章華恐過哀

新塘夜歸

煙月茫茫十里堤數聲漁唱埭東西旋燒新兔傾村酒
扶得歸來醉似泥

古風

少年慕黃老雄志在山林火食亦彊勉寧有婚宦心失
腳墮世網衰病忽侵尋放逐適天幸獨恨山未深一牀
元不睡翛然橫素槧開門毛髮冷湖闊月欲沈

又

賀監未嘗死江天醉初醒逸少亦度世弭節過蘭亭吾

本淡蕩人轉徙如蓬萍聊憑一盃綠駐此雙鬢青邂逅
兩仙翁笙鶴遊青冥還家不能食濁世紛羶腥

又

功名如博戲大叫或作盧文辭組繡耳初不繫賢愚負
恃已可笑憎疾真區區平生學金丹我豈斯人徒笑歌
醉自和顏鬢老不枯却後五百年煙雨釣鏡湖

累日無酒亦不肉食戲作此詩

小築精廬剗曲傍枵然蟬腹與龜腸酒錢覓處無司業

齋日多來似太常雲碓旋春菰米滑風爐親候藥苗香
明年更入南山去要試囊中服玉方

讀書

讀書四更燈欲盡胸中太華蟠千仞仰呼青天那得聞
窮到白頭猶自信策名委質本為國豈但空取黃金印
故都即今不忍說空宮夜夜飛秋燐士初許身輩稷契
歲晚所立慙廉闡正看憤切詭成功已復雍容託觀饗
雖然知人要未易誰可例輕天下士君不見長松卧壑

因風霜時來屹立扶明堂

自妙相歸將至杜浦堰舟中作

斜陽發東郭初夜轉西城寺閣疎鐘動漁村遠火明蒼
茫林靄滅撲漣水禽驚漸喜吾廬近遙聞過埭聲

秋興

樵風溪上弄扁舟濯錦江邊憶舊遊豪竹哀絲真昨夢
夾砧繁杵久驚秋墜枝橘熟初堪剪浮瓮醅香恰受箇
莫道身閒總無事孤燈夜夜寫清愁

哀北人

太行天下脊黃河出崑崙山川形勝地歷世多名臣哀哉六十年遺黎淪沙塵抱負雖奇偉沒齒不得伸老夫實好義北望常酸辛何當擁黃旗徑涉白馬津窮追縱騎驥旁招出鳳麟努力待傳檄勿謂吳無人

琵琶

西蜀琵琶邇涉槽梨園舊譜鬱輪袍繡筵銀燭燕宮夜一飲千鍾未足豪

故蜀燕王宮今為張氏海棠園

三江舟中大醉作

志欲富天下一身常苦飢氣可吞匈奴束帶向小兒天
公無由問世俗那得知揮手散醉髮去隱雲海涯風息
天鏡平濤起雪山傾輕帆入浩蕩百怪不可名虹竿秋
月鉤巨鼈倘可求滅迹從今逝回看隘九州

短歌行

百年鼎鼎世共悲晨鐘莫鼓無休時碧桃紅杏易零落
翠眉玉頰多別離涉江采菱風敗意登樓待月雲為祟

功名常畏謗讟興富貴每同衰病至人生可歎十八九
自古危機無妙手正令插翮上青雲不如得錢即沽酒

悲

秋燈如孤螢熠熠耿窗戶秋雨如漏壺點滴連早莫我
豈楚逐臣慘愴出怨句逢秋未免悲直以憂國故三軍
老不戰比屋困征賦可使江淮間歲歲常列戍

步至西村

一飽無餘事西村偶獨行楮筇息微倦汲井漱餘醒川

閑雁平度谷虛雲亂生絕知豐歲樂笑語隔柴荆

題接待院壁

笙歌淒咽離亭晚回首高城半掩門疊疊遠山橫翠靄娟娟新月耿黃昏未嫌雙艣妨欹枕自是孤舟易斷魂
遙想河橋落帆處隔江微火認漁村

九月晦日作

菊枝傾倒不成叢桐葉凋零已半空自是老來多感慨
不須蕭瑟為秋風

又

山路清寒近探梅振衣高處興悠哉飛鴻杳杳江天闊
一片愁從萬里來

又

錦城誰與寄音塵望斷秋江六六鱗正使傾家供麴蘖
定知不解醉愁人

又

炊煙漠漠衡門寂寒日昏昏倦鳥還數樹丹楓映蒼檜

天工解作范寬山

陶山遇雪覺林遷
菴主見招不果往

山中大雪二尺彊
道邊虎跡如枕大
衰翁畏虎復畏寒
招喚不來公勿怪
梨花開時好風日
走馬尋公作寒食
不須沽酒飲陶潛
箭筈蕨芽如蜜甜

哭王季夷

迢遙天馬渥洼來
萬里修途忍勒回
爽氣即今猶可想
舊遊何處不堪哀
夢中有客徵殘錦
地下無爐鑄橫財

欲醉一尊身尚病
鬢封春露濕蒼苔

樊江晚泊

碧雲吞日天欲暮
城西捩柁城東路
蓴羹飯香滿船
正是江頭落帆處
荻洲漁火遠更明
煙水蒼茫聞雁聲
不是綠尊能破悶
白頭客路若為情

蛾眉村旅舍作

小雨初收景氣和
青苔狼藉落梅多
曲肱野店睡斜日
濯足溪橋鳴細波
久厭俗情生眼白
近承天詔賜顏酡

予自壬寅冬
兩頰復丹
騎鯨未返蓬壺去
此路猶須幾浩歌

蛾江野飲贈劉道士

春光盞盞催官柳
柳色黃如醕中酒
橋邊微逕愜幽尋
世外高人共攜手
參差茅舍出木末
隱映酒旗當浦口
插花處處引村童
失道時時問耕叟
客堪共醉百無一
事不諧心十常九
日斜潮落不可留
孤舟欲上頻搔首
丈亭遇老人長眉及肩
欲就之語忽已張帆吹笛

而去

颯颯長眉綠覆肩欲推壽數意茫然若非楚國庚寅歲
定是堯時丙子年銅笛一聲驚宿鷺蒲帆數幅破晴煙
遙知乘醉江湖去黃鶴樓頭又放顛

寓舍聞禽聲

日暖林梢鶲鶠鳴稻陂無處不青青老農睡足猶慵起
支枕東窗盡意聽

春晚

雨足人家插稻秧蠶生隣女采桑黃萬花掃迹春將莫

百艸吹香日正長閒覓啼鶯穿北崦戲隨飛蝶過東岡
飄然且喜身彊健不怪兒曹笑老彊

題瑩師釣臺圖

羊裘老子釣魚處開卷令人雙眼明未可匆匆便持去
夜窗吾欲聽灘聲

仗錫平老具舟車迎前天衣印老印悉遺還策杖
訪之作二絕句奉送兼簡平

畫舫籃輿不許前白頭行脚意超然瞬江禹穴千山水

盡在高人拄杖邊

又

魚鼓聲中白鼈巾南山筍蕨一番新長安不是無卿相
林下平津獨可人

湖邊曉行

蹇驢清曉掠湖堤緩轡迎涼帽影低露拆者蓮紅漸開
雨催波稻綠初齊先秋葉已時時墮失旦雞猶續續啼
不是老來忘睡美戴星南畝慣扶犁

久雨杜門遣懷

風雨蕭蕭卧掩關。經旬登覽負溪山。
也知解送豐年喜，無奈難消永日閒。
平野橫吹看凌厲，畫簷高鶴聽淙潺。
城闥路斷吾何恨，濁酒枯魚亦破顏。

梅雨陂澤皆滿

雨暗迷行路，溪深沒舊痕。
汪牛潼白盃，盃酒醅渾暖。
浸千畦稻橫通十里村，羣蛙更堪笑。
鼓吹鬧黃昏。

夜意

幌外燈青見鼠行林梢月黑有梟鳴只言中夏夜偏短
萬里夢回天未明

又

睡覺隣雞已再啼蓬窗燈黑雨淒淒東家蹇驢不用借
明日門前一尺泥

幽事

老境俗緣減閒居幽事多去沙通斷澗插援護新荷某
罷看山卧釣歸搖櫓歌餘年端有幾風月且婆娑

對酒戲作

去日奔輪不啻過凌煙勲業已蹉跎只言一寸丹心在
無奈千莖白髮何色比鵝雛京口酒聲如珠貫渭城歌
身閒取醉真當勉莫學癡人夢蠶窠

夏雨

清風起湖濱急雨來天末蚊蠅遽退聽松竹例蘇活竒
聲集空庭爽氣生細葛素秋雖尚遙聊喜寬肺渴

軍中雜歌

三受降城無壅城賊來殺盡始還營漠南漠北靜如掃
清夜不聞邊馬聲

又

秦人萬里築長城不如壯士守北平曉來磧中雪一丈
洗盡沙塵春艸生

又

匈奴莫復倚長戈來欵軍門早乞和鐵騎如山尚可避
飛將軍來汝奈何

又

名王金冠玉蹀躞面縛纛下聲呱呱橐街未遽要汝首
仍許立功歌執殳

又

三月未春冰塞川冬月苦寒雪闇天紫髯將軍曉射虎
嚇殺名王箭似椽

又

北面行臺號令新繡旗豹尾渡河津檄書纔下降書至

壁壘如今始一新

又

漁陽兒女美如花春風樓上學琵琶如今便死知無恨
不屬番家屬漢家

又

北庭茫茫秋艸枯正東萬里是皇都征人樓上看太白
思婦城南迎紫姑

夏夜舟中聞水鳥聲甚哀若曰姑惡感而作詩

女生藏深閨未省窺牆藩上車移所天父母為它門妾
身雖甚愚亦知君姑尊下牀頭雞鳴梳髻著襦裙堂上
奉灑掃厨中具盤飧青青摘葵覓恨不美熊蹯姑色少
不怡衣袂濕淚痕所冀妾生男庶幾姑弄孫此志竟蹉
跎薄命來讒言放棄不敢怨所悲孤大恩古路傍陂澤
微雨鬼火昏君聽姑惡聲無乃遣婦魂

莫歸舟中

五月未劇暑莫從城市還斷虹低飲澗落日遠銜山蟹

舍叢蘆外菱舟薄霧間詩情終艸艸虛遣鬢毛斑

又

湖水綠可愛弄橈衝夕霏林昏漁火壯山轉寺鐘微老
歎世情惡窮知心事違回頭語孤鶴伴我莫先飛

夏夜

夏夜忽已半東岡月初生起行遼庭樹愛此露滴聲漂
流憶安卧局促念遐征幽懷誰晤語華觴還自傾

又

螢光喜暗庭桐葉冷雨幽人情不寐獨夜誰與處乾
坤信無情歲月遽如許明發視鏡中鬢絲添幾縷

又

庭荒蔓艸長堂豁夾氣入悠然推枕起聊作倚仗立飛
螢亦避雨黏棟光熠熠南隣輸稅歸小婦愁夜汲

又

結屋在郊墟翛然謝炎熾窗扉故闌寂水竹亦幽邃飛
蟲望燈集栖燕衝雨至石枕與葛憇美哉今夕睡

北渚

北渚露濃蘋葉老南塘雨過藕花稀新秋漸近蟬更急
殘日已沈鴉未歸銅鏡面顏無藥駐玉關勲業與心違
一蓑一笠生涯在且醉蒼苔舊釣磯

夏日五鼓起戲書

老雞喔喔桑樹顛明星磊磊茅屋邊我興視夜不復眠
坐看朝暾浴虞淵開窓清風來穆然拂几洗研整蠹編
火雲崔嵬忽滿天安得羲和徐著鞭

雨夜

急雨如河瀉瓦溝空堂卧對一燈幽老雞多事彊知曉
落葉無情先報秋身未蓋棺誰可料尊常有酒莫閒愁
功名老大從來事且復長歌起飯牛

小立

曠懷塵事外小立綠陰間舉世皆嫌拙平生剩得閒江
郊雲易暗旱歲雨終慳欲醉尊無酒悠然對莫山

徙倚

漁扉久不掩徙倚欲三更月正樹無影露濃荷有聲崢
嶸歲將晚悄愴恨難平坐念中原沒男兒忍浪生

居山

涉世緣雖薄居山味自長穿雲雙履濕洗藥一溪香有
酒作臉纈無愁供鬢霜遼天渺歸鶴千載付茫茫

効南詩稿卷十四

謹案第二十七頁前八行汲井漱餘醒刊本醒訛

醒今改





總校官庶吉士臣張能照、
校對官檢討臣季學錦
謄錄監生臣朱恂